

**Una pillugu siunnersuut: Imarsiornerup isumannaatsuunissaa pillugu inatsisit allannguutaat pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunaanni Namminersorlutik oqartussat oqaaseqaataat pillugu Inatsisartut aalajangiinissaat**

(Ineqarnermut, Sanaartornermut Attaveqaqatigiinnermullu Naalakkersuisoq)

**Saqqumiussissut**

(Ineqarnermut, Sanaartornermut Attaveqaqatigiinnermullu Naalakkersuisoq)

**Siullermeerneqarnera**

Imarsiornerup isumannaatsuunissaa pillugu inatsisit allannguutaat pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunaanni Namminersorlutik Oqartussat oqaaseqaataat pillugu Inatsisartut aalajangiinissaannik siunnersuut (immikkoortoq 76) immikkoortunut 74-mut 75-mullu ataneqarpoq.

Peqqussut taanna Kalaallit Nunaannut atortuulersinneqassasoq Inatsisartut aalajangerpata Danmarkimi inuussutissarsiornermut ineriartortitsinermullu ministeri nalunaarutininik issittup imartaani imarsiornermik isumannaallisaanerup sukateriffigineqarnissaanik piumasaaqatiginik pineqartuninik aalajangersaaviginnittuninik aalajangersaasinnaalissaaq.

Umiarsuarsuarni ilaasartaatini isumannaallisaaneq pillugu piumasaaqatit sakkortusisat aalajangersarneqarnissaat siullertut siunertaavoq. Kingusinnerusukkulli soorlu umiarsuarni ulorianartuninik usisaataasuni issittullu imartaani angallanermikkut issittumi avatangiisinut immikkut ulorianartorsiorititsisuni isumannaallisaaneq pillugu piumasaaqatit sakkortusisat aalajangersarneqarsinnaapput.

Siunertarpiaasoq tassaavoq umiarsuarnut ilaasartaatinut 250-it sinnerlugit ilaasoqarsinnaasunut ingerlaartarfissanik aalajangersimasuninik pilersitsinikkut sukaterinerit makku nalunaarutitiginik aalajangersarneqassasut, tassalu umiarsuup imartani sikulinni angalanissamut qajannaallisagaasumik sananeqarsimaneranut uppernarsaaqarnissamik piumasaaqatit, ingerlaarfissanik pilersaarusiorneq aamma upalungaarsimanissamut pilersaarutit pillugit piumasaaqatit sakkortusisat, inuttat ilinniartinneqarnissaat sungiusarneqartarnissaallu pillugit piumasaaqatit sakkortusisat, ataqatigiissaagaasumik ingerlaartarnissamik piumasaaqatit aamma ilisimasortaqaqtussaataitanerup atulersinneqarnera.

Peqqussut umiarsuup naalagaata umiarsuaq imaani ajornartorsiulereersoq umiarsuarmitinut annaassiniarnermi pisussaaffimmininik eqqortitsinnginnera pissutigalugu pillarneqarnissaanut aammattaq periarfissiivoq. Aalajangersakkap taassuma umiarsuup naalagaataa akisussaaffeqarneraninik sukaterineq nassataraa, umiarsuullu takornariartaassuup Costa Concordiap 2012-imi januarimi Italiap sineriaata ilaani ajunaarnera pissutigalugu atortussanngortinneqarluni.

Kunngip peqqussutaanut missingiummi aalajangersagaq Kalaallit Nunanni pissutsinut naleqqussarneqarsimavoq, taamaalilluni umiarsuup naalagaa Kalaallit Nunaanni pinerluttulerineq pillugu inatsit tunngavigalugu pineqaatissinneqartussanngorlugu eqqartuunneqarsinnaalersillugu.

Siunnersuut taamatut oqaaseqaateqarlunga Inatsisartuni akuersaartumik oqaluuserisassanngortippara.